

**Ilanngussaq
1****Akiligassarsisitsisarfinnik aningaasaliisarfinnillu aningaasaatinut pi-
umasaqaatit aamma nakkuttilliinikkut piunasaqaatit pillugit Kalaallit
Nunaannut Inatsisissatut siunnersuummik eqikkaaneq**

Inatsisissatut siunnersuumut siunertaq tassaavoq Kalaallit Nunaanni aningaasaateqarnissamik piunasaqaammut peqqussutip (CRR-imut peqqussutip) atuutsilersinnissaa. Danmarkimisulli Kalaallit Nunaanni malittarisassiat assingusut atuunnissaat taassuma isumannaassavaa. Aningaasaateqarnissamik piunasaqaammut peqqussummi aalajangersakkat nunatsinni aningaasaqarnermik suliaqarfimmi inatsilersuineq, nakkuttilliineq aarleqquteqarnermullu piareersimattit aqunneqarnerinik nukittorsaassaaq. Taamaalillunilu aningaasat nalingisa nikerarnerini killup tungaanut pisartunut naleqqiullugu suliaqarfiusup akiuussinnaanera pitsanngorsassaaq. Aningaasaqarnermi artukkersimanermik aningaasaateqarnissamik piunasaqaammut peqqussut tunngaveqarpoq, nutaamillu aningaasaqarnermi artukkersimanissamik pinngortoqarsinnaanera pinaveersaassavaa.

Aningaasaqarnermik suliaqarfimmi Kalaallit Nunaanni inatsisaasut danskini aamma nunat tamalaani inatsisaasunik, ilanngullugit minnerunngitsumik EU-mi malittarisassianik tunngaveqarput. Kalaallit Nunaat EU-mi ilaasortaangilaq, CRR-imullu peqqussummi aalajangersakkanut assingusut Kalaallit Nunaannut atuutsinneqassappata tamanna inatsisitigut pissaaq.

Aningaasaqarnermik suliaqarneq pillugu inatsisip allannortinnissaa pillugu inatsit nr. 268, 25. marts 2014-imeersumi § 1-ip ilaanik Kalaallit Nunaannut atuutsitsilernissaaq pillugu peqqussummut Namminersorlutik Oqartussat oqaaseqarnissaaq pillugu Inatsisartut aalajangiussinissaannut siunnersuummut inatsisillu assigiinngitsut allanut siunnersuut qanimut ataqatigiiffearpoq. Naalagaaffeqatigiinni aningaasaqarnermik suliaqarnermi assigiaartumik inatsisileqarnerup Kalaallit Nunaanni aningaasaliinerni malittarisassiat suut atuunneri pillugit nalornilersuunnginnissaaq qulakkiissavaat, ilanngullugu Kalaallit Nunaanni inatsisaasut nunat tamalaani najoqqutarisanik malittarinninersut.

Kalaallit Nunaanni unammillersinnaassusilimmik aningaasaateqarfeqarfiup attas-sinnaanissaa pisariaqarpoq. Malittarisassiat najoqqutallu pillugit nalornisoqarneq Nunatsinni aningaaserivinnut nunat tamalaani aningaasatigut niuerfiusuni aningaasanik pissarsiniarnerup akisunerulersinnaaneraniq nassataqarsinnaavoq, taamaalilluni namminersortunut inuussutis-sarsiorfinnullu taarsigassarsiniarneq akisunerulersinnaalluni. Nunatsinni aningaaserivinnut si-naakkutitut piumasaatit pillugit nalornisuulerneq pinaveersaartinniarlugu Naalagaaffeqatigiit sinnerini, ilanngullugit Savalimmiuni suut atuuttuunerinik aningaasaqarnermik suliaqarfiusu-mi piaartumik naleqqussaasoqarnissaq pingaaruteqarpoq.

Aningaasaateqarnissamik piumasaqaammut peqqussutip aningaaserivinni ikiorsiissutitut aningaasaqarnikkullu sullissinissamik ikiorsiissutitut niuerfinnut piviusutut tunngaveqartunut instituttinut nakkutilliinermut tunngasunik piumasaqaatit imarai, taakkulu siunertaraat niuer-finni taakkunani suliaqartut aningaasaqarnikkut aal akkaassuseqarnissaasa qulakkeernissaat, aammalu aningaasaliisartut annertuumik illersorsimaffeqarnissaat qulakkiissallugu. Tamakku saniatigut malittarisassiat siunertaraat niuerfiup naammaginartumik atuunnissaanut ilapit-tuuteqarnissaq.

Peqqussutikkut instituttinut, aningaasanik imaluunniit pappialanik naleqartitanik niuerfigisa-mik pigisaannik toqqortaartunut assigiissaartunik aningaasaqarnermut piumasaqaateqartoqarpoq, taamaaliorqarporlu aningaasaliisartut assigiiaartumik illersornissaat qulakke-erniarlugit, aammalu instituttit suussutsimikkut assigiissuseqartunut naammaginartunik unammillernikkut atugassinniarlugit.

Peqqussummi aalajangersakkat atuutsilernerisigut inatsisissatut siunnersuutikkut ilaatigut aningaasatigut piumasaqaatit, annertuumik peqataaffigisat, akiliisinnaassuseq aamma paasis-sutissiisarnermut piumasaqaatit pillugit malittarisassiat nutaat aalajangersorneqarput. Inatsi-sissatut siunnersuummi annertuumik oqaaseqaasiarisat aamma innersuussutigineqarput.

Pisortanut, inuussutissarsiorfiusumut imaluunniit innuttaasunut siunnersuummut aningaasa-qarnikkut imaluunniit aqutsisoqarnikkut kinguneqartoqassanngilaq. Paarlattuanillu inuussutis-sarsiorfimmut innuttaasunullu iluaqutaasumik nunatsinni aningaasalerinermik instituttit unammillersinnaassuseqartuarnissaannut siunnersuut peqataaqataassaaq.